



Republika e Kosovës
Republika Kosova-Republic of Kosovo
Opština Klokot-Vrbovac/Komuna e Kllokot-Vrbovcë

Data:

Në bazë të nenit 15.1 pika c), të Ligjit për mbeturina (nr: 02/L-30), nenit 17 pika f) të Ligjit për vetëqeverisje lokale (nr: 03/L-40) dhe nenit 8 pika 1, e) të Statutit të Komunës Kllokotit-Vërbovcit, Kuvendi Komunal Kllokot-Vërbovc në seancën e mbajtur më: 26.10.2011 miratoi:

RREGULLORE NR: 05/2011
PËR ADMINISTRIMIN E MBETURINAVE

KREU I
DISPOZITAT E PËRGJITHSHME

Neni 1
Qëllimi i rregullores

Kjo Rregullore përcakton rregullat dhe procedurat e administrimit të mbeturinave në territorin e komunës së Kllokotit-Vërbovcit, përgjegjësitë e autoriteteve të komunës për administrimin e mbeturinave, kushtet nën të cilat operatorët ekonomik do të punojnë si dhe do të përcaktojnë dënime për ndotësit e mjedisit.

Neni 2
Lënda e rregullimit

Me anë të kësaj Rregulloreje pritët të përcaktohen kushtet për një mjedis të pastër, përmes sigurimit të kushteve themelore për mbrojtjen e shëndetit të qytetarëve të komunës së Kllokotit-Vërbovcit.

Neni 3

Përkufizimet

Mbeturina – çfarëdo substance apo lënda që i përket kategorisë së mbeturinave të cilat pronari i hedh, ka për qëllim t'i hedh apo është i obliguar t'i hedh.

Mbeturinat komunale - mbeturinat nga amvisëritë, po ashtu edhe mbeturinat nga aktivitete të tjera, të cilat për shkak të natyrës dhe përbërjes së tyre janë të ngjashme me mbeturinat shtëpiake.

Mbeturinat komerciale - janë mbeturinat që vijnë nga objektet e përdorura kryesisht për qëllime të tregut ose biznes, sport, arsim, rekreacion, por pa përfshirë mbeturinat komunale dhe industriale.

Mbeturinat e dëmshme – janë mbeturinat me karakteristikat e mëposhtme, si:

- shpërthyes
- okside
- djegëse
- neurotike
- të dëmshme
- toksike
- kancerogjene
- koroze
- infektive
- teratogjenike
- mutagenike
- që lirojnë gazra toksike në kontakt me ujin, ajrin apo acidin
- që ekziston mundësia e prodhimit të substancave të tjera të dëmshme dhe ekotoksike.

Prodhuesi i mbeturinave – është çdo person, aktiviteti i të cilit prodhon-krijon mbeturina dhe/apo kryen paraprocedurën, përzierjen/kombinimin apo aktivitete të tjera të cilat rezultojnë me ndryshimin e natyrës apo përbërjes së mbeturinave.

Poseduesi i mbeturinave – është prodhuesi i mbeturinave, përkatësisht personi juridik apo fizik, i cili i zotëron apo kontrollon ato.

Administrimi i mbeturinave - nënkupton grumbullimin, ruajtjen, rregullimin, blerjen dhe shitjen, transportimin, përpunimin, trajtimin dhe deponimin e mbeturinave, duke përfshirë edhe mbikëqyrjen e veprimeve të tilla, si dhe përkujdesjen pas mbylljes së deponisë.

Vende publike - konsiderohen: sipërfaqet e transportit publik, stacionet e autobusëve, shkollat, hapësirat për parkim, sipërfaqet e gjelbëruara publike (parqet, fushat, terrenet sportive, zonat për pushim dhe rekreacion), fushat argëtuese dhe sportive, tregjet e hapura rreth zonës së tregut.

Operatori - është personi fizik ose juridik, i cili në përputhje me dispozitat e ligjit dhe kësaj rregulloreje, menaxhon, kontrollon ose është përgjegjës për objektet dhe pajisjet për mbeturina, ose është i autorizuar për të marrë vendime lidhur me funksionimin ekonomik dhe teknik të objekteve dhe pajisjeve.

Mbledhja e mbeturinave – është aktivitet sistematik i mbledhjes, klasifikimit dhe/apo përzierjes së mbeturinave, me qëllim të transportimit të tyre.

Personi – nënkupton çfarëdo personi juridik apo fizik i cili është i përfshirë drejtpërdrejtë apo tërthorazi në procesin e administrimit të mbeturinave.

Organi kompetent – është drejtoria komunale përgjegjëse për shërbimet publike.

Neni 4

Parimet bazë të administrimit të mbeturinave

Parimi i kujdesit dhe parandalimit – Organi përgjegjës sipas nevojës, do të hyjë në veprim për ndërmarrjen e masave parandaluese në lidhje me administrimin e mbeturinave.

Parimi – ndotësi paguan:

- a) personi i autorizuar i angazhuar në administrimin e mbeturinave është i detyruar të kryejë kompensimin e plotë për koston e dëmit të shkaktuar.
- b) në mjetet e trajtimit të prodhimit dhe deponimit të mbeturinave duhet të përfshihet kostoja e prodhimit dhe e shërbimeve.

Parimi i përgjegjësisë së prodhuesve-pronarëve – Prodhuesit, shpërndarësit, shitësit, importuesit e mallrave, të cilët ndikojnë në rritjen e vëllimit të mbeturinave, janë përgjegjës për mbeturinat e krijuara si rezultat i aktiviteteve të tyre. Prodhuesit kanë përgjegjësi më të madhe sepse mund të ndikojnë në kualitetin dhe ambalazhin e mallrave të tyre. Prodhuesi gjithashtu është i detyruar të zvogëlojë sasinë e mbeturinave nga malli i prodhuar, të zhvillojë prodhimtarinë e mallrave të recikluara dhe të krijojë treg për prodhime që mund të reciklohen dhe të përdoren përsëri. Ky princip lidhet me konceptin e “ritjes së përgjegjësisë së prodhuesve”, ku prodhuesi është përgjegjës për mbeturinat të cilat janë të prodhuara në secilën fazë të ciklit prodhues, e posaqërisht për mbeturinat e llojit parësor.

Parimi i mbrojtjes së të drejtave në gjykatë – Personat që janë të dëmtuar ose së paku konsiderojnë se të drejtat e tyre janë të shkelura gjatë administrimit të mbeturinave, kanë të drejtë të paraqesin padi në gjykatë, për të relazuar të drejtat e tyre.

KREU II

ADMINISTRIMI I MBETURINAVE

Neni 5

Përgjegjësitë e Komunës

1. Përgjegjësitë e komunës janë:

- 1.1 Hartimi i marrëveshjes me kompanitë e licencuara për mbledhjen dhe transportin e mbeturinave;
- 1.2 Hartimi i planit lokal për administrimin e mbeturinave;
- 1.3 Hartimi i raportit vjetor për administrimin e mbeturinave, të cilin e dorëzojnë në Ministrinë e Mjedisit dhe Planifikimit Hapësinor në tremujorin e parë të vitit të ardhshëm;
- 1.4 Organizimi dhe zbatimi i administrimit të mbeturinave të komunës në gjithë territorin e komunës;
- 1.5 Marrja pjesë në vendimmarrje për ndërtimin e objekteve për trajtimin e mbeturinave;
- 1.6 Sigurimi i numrit të caktuar të kontejnerëve;
- 1.7 Përcaktimi i lokacioneve për kontejnerë;
- 1.8 Dekurajimi i gjenerimit të mbeturinave nga aktivitetet e prodhimit;

- 1.9 Stimulimi i procesit të trajtimit, për qëllim të përpunimit, reciklimit apo incerenimit të mbeturinave për fitim të energjisë;
 - 1.10 Përcaktimi i afatit kohor të shërbimeve për mënjanimin e mbeturinave për qëllim të reduktimit të kohës së qëndrimit të mbeturinave në mjedisin jetësor;
 - 1.11 Stimulimi i përdorimit të teknikave më të mira të mundshme për ndarjen, mbledhjen, grumbullimin, transportimin dhe deponimin;
 - 1.12 Monitorimi dhe kontrollimi i administrimit të depove për mbeturinat e komunës;
 - 1.13 Zgjedhja apo përcaktimi i sipërfaqes, lokacionit apo vendit publik për vendosjen e kontejnerëve për mbeturina në qendra për grumbullimin e mbeturinave.
 - 1.14 Parandalimi i ndotjes së mjedisit jetësor në mjedisin urban dhe rural nga mbeturinat;
2. Për zbatimin e pikës 1 të këtij Neni është i detyruar Kryetari i Komunës dhe organi kompetent i komunës.
 3. Për interesin e saj, Komuna së bashku me komunat e tjera mund të arrijnë marrëveshje për administrimin e përbashkët të mbeturinave në territoret e tyre.
 4. Vendimin për bashkëpunim me komunat e tjera në pikën 2 të këtij Neni e merr Kuvendi Komunal me propozimin e Kryetarit të Komunës.

Neni 6

Plani lokal për administrimin e mbeturinave

1. Plani lokal për administrimin e mbeturinave hartohet me qëllim të administrimit të mbeturinave. Ky plan duhet të jetë në përputhshmëri me Planin Strategjik të Kosovës për administrimin e mbeturinave.
2. Në qoftë se dy apo më shumë komuna arrijnë marrëveshje për administrimin e mbeturinave, në bazë të Nenit 5 paragrafi 3 të kësaj rregullorej, plani nga paragrafi 1 të këtij Neni do të hartohet së bashku me komunat që janë pjesë e marrëveshjes.
3. Planet në bazë të paragrafit 1 dhe 2 të këtij Neni mund të përpunohen më së paku për një periudhë 5 vjeqare e sipas nevojës të rishikohen. Komuna harton planin lokal për administrimin e mbeturinave brenda një viti nga dita e miratimit të Planit Strategjik.
4. Përpunimi i planit në bazë të paragrafeve 1 dhe 2 të këtij Neni duhet të përmbajë:
 - 4.1 Vëllimin dhe llojin e mbeturinave të cilat pritet të krijohen, prejardhjen e mbeturinave të cilat do të përdoren apo deponohen në lokacionin e caktuar të planit të miratuar;
 - 4.2 Vëllimin dhe llojin e mbeturinave të cilat pritet të krijohen, prejardhjen e tyre e cila do të pranohet nga ana e komunave të tjera;
 - 4.3 Vëllimin dhe llojin e mbeturinave të cilat pritet të krijohen, prejardhjen e tyre e cila do t'i drejtohet komunave të tjera;
 - 4.4 Qëllimin i cili do të realizohet me përdorimin e sërishëm apo reciklimin e mbeturinave në territoret e caktuara me plan;
 - 4.5 Sasinë e mbeturinave, deponimin në zonën e caktuar me plan;
 - 4.6 Programin për grumbullimin e mbeturinave komunale shtëpiake;
 - 4.7 Programin për grumbullimin dhe kategorizimin e mbeturinave të dëmshme, përkatësisht shtëpiake;
 - 4.8 Propozimet për përdorimin e sërishëm dhe reciklimin e komponenteve të ndryshme nga mbeturinat komunale;
 - 4.9 Programin me qëllim të reduktimit të materialit, biodegradimit dhe ambalazhës në mbeturinat komunale;

- 4.10 Programin për ndërgjegjësimin publik dhe arsimin publik në lidhje me administrimin e mbeturinave;
 - 4.11 Përshkrimin e lokacioneve për paisje dhe objekte duke përfshirë këtu dhe kërkesat teknike për projektimin e objekteve të reja;
 - 4.12 Vlerësimin, kalkulimin e shpenzimeve dhe burimeve financiare për realizimin e aktiviteteve të planifikuara;
 - 4.13 Programe të posaqme për llojet specifike të mbeturinave;
 - 4.14 Masa për parandalimin apo transferin e mbeturinave të cilat nuk janë të përfshira në plan;
 - 4.15 Paraqitja e mundësive për bashkëpunim mes dy apo më shumë komunave;
 - 4.16 Çështje të tjera relevante.
5. Përpunimi i Planit lokal për administrimin e mbeturinave është përgjegjësi e organit përgjegjës në komunë.

Neni 7

Dispozitat për administrimin e mbeturinave komunale

1. Mbeturinat komunale, të cilat janë të përziera me mbeturinat e dëmshme duhet të veqohen nëse ekziston interesi ekonomik për to, në të kundërtën ato do të kategorizohen në grupin e mbeturinave të dëmshme.
2. Familjet janë të detyruara që mbeturinat e tyre t'i mënjanojnë në lokacionet e caktuara të cilat do t'i përcaktojnë kompanitë e licencuara të cilat merren me grumbullimin e mbeturinave, përderisa mbeturinat e dëmshme mënjahohen në lokacionet e përcaktuara posaqërisht për to.
3. Komuna është e detyruar që të organizojë grumbullimin e mbeturinave komunale, të cilat nuk mund të hidhen në kontejner (mbeturinat vëllimore).
4. Familjet dhe prodhuesit e tjerë të mbeturinave komunale janë të obliguar t'i ndajnë mbeturinat sipas llojeve me qëllim të reciklimit të tyre.
5. Komuna rregullon organizimin dhe mënyrën e ndarjes së mbeturinave që reciklohen në pajtim me Planin lokal sipas paragrafit 1 dhe 2 të Nenit 5 të kësaj Rregulloreje.

Neni 8

Zonat e shërbimit

1. Komuna brenda territorit administrativ përcakton zonat për kryerjen e shërbimit të mbledhjes, grumbullimit dhe transportit të mbeturinave.
2. Kriteret për përcaktimin e zonave sipas paragrafit 1 të këtij Neni i bën komuna dhe këto do të jenë të përmendura në planin e komunës.

Neni 9

Kontejnerët për hedhjen e mbeturinave

1. Për përcaktimin e vendit apo hapësirës për vendosjen e kontejnerit në sipërfaqet publike duhet të merret parasysh:
 - 1.1. numri i banorëve;
 - 1.2. numri i kontejnerëve;
 - 1.3. lloji i mbeturinave;
 - 1.4. lloji dhe madhësia e kontejnerëve.

Neni 10
Vendet për vendosjen e kontejnerëve

1. Vendi dhe hapësira për vendosjen e kontejnerëve për mbeturina duhet të vendoset me bazamentin e asfaltuar apo betonuar dhe të përshtatshëm për manipulimin e ngarkim/shkarkimit të mbeturinave.
2. Kontejnerët për hedhjen e mbeturinave duhet të vendosen në vende të përshtatshme dhe të dukshme ku nuk do të shkaktojë pengesë apo rrezik për lëvizjen e lirë të banorëve dhe qarkullimin e mallrave.
3. Kontejnerët duhet të jenë të ngjyrave të ndryshme ose me shenja të dukshme të cilat tregojnë për hedhje të ndarë të mbeturinave të caktuara.
4. Kontejnerët me masë deri 1.1m duhet të kenë mekanizëm për mbyllje.
5. Kontejnerët duhet të kenë sipërfaqe të butë, material që pastrohet lehtë dhe që është i qëndrueshëm dhe rezistent në ujë (metali, plastika).
6. Kontejnerët për mbeturina duhet të jenë teknikisht të përshtatshëm për automjetet që shkarkojnë dhe ngarkojnë mbeturina.

KREU III

LARGIMI I MBETURINAVE NGA SIPËRFAQET PUBLIKE DHE PRIVATE

Neni 11
Mbeturinat si objekt

1. Kjo rregullore zbatohet për:
 - 1.1. Mbeturinat komunale të krijuara nga ekonomitë familjare, stacionet e trafikut, zyrat, kopshtet, vendet e argëtimit, zonat për piknik etj.;
 - 1.2. Mbeturinat komerciale që krijohen prej aktiviteteve apo shërbimeve të biznesit apo komerciale;
 - 1.3. Mbeturinat e krijuara nga ndërtimi, riparimi apo demolimi i objektit në masë prej 1/10 m. (nën masë l/io m³).;
 - 1.4. Të gjitha mbeturinat me karakteristika të njëjta me mbeturinat e përmendura nën paragrafin 1.1 dhe 1.2 të këtij Neni dhe mbledhja grumbullimi dhe transportimi i tyre mundësohet së bashku me mbeturinat e përmendura.

Neni 12
Largimi i mbeturinave

1. Largimit të mbeturinave iu nënshtrohen të gjitha sipërfaqet, publike apo private nëpër lagje, rrugë, parqe, shëtitore, terene argëtuese dhe sportive, hapësirat e banesave komerciale dhe të banimit, stacionet e trafikut dhe sipërfaqe të tjera.
2. Largimi i mbeturinave, mirëmbajtja dhe pastrimi i sipërfaqeve publike dhe private apo hapësirave sipas paragrafit 1 të këtij Neni, organizohet nga komuna.
3. Për mirëmbajtjen e pastërtisë në stacionet e trafikut, pompave të benzinës, hoteleve, kopshteve për fëmijë, ambulante dhe spitaleve, auto kampeve, tregut të gjelbër, varrezave dhe vendeve të ngjashme, janë përgjegjës personat që drejtojnë këto objekte.

Neni 13

Pastrimi dhe mirëmbajtja e hapësirave publike dhe private

1. Pastrimit dhe mirëmbajtjes nga mbeturinat iu nënshtrohen të gjitha sipërfaqet, publike apo private nëpër lagje, rrugët e asfaltuara, rrugët me kalldërma, qendrat, trotoret e qytetit dhe vendet e banuara.
2. Hapësirat apo sipërfaqet publike që janë të mbuluara nga skema e pastrimit publik, drejtohen nga komuna.
3. Hapësirat apo vendet publike që nuk janë të mbuluara nga skema e drejtimit nga komuna, pastrohen dhe mirëmbahen nga institucionet apo personat që janë përdorues të këtyre hapësirave apo vendeve.
4. Hapësira private pastrohet dhe mirëmbahet nga vet pronarët ose nga kompania e autorizuar nga komuna.

Neni 14

Mbledhja, grumbullimi dhe transporti i mbeturinave

1. Të gjithë prodhuesit e mbeturinave, të përcaktuar me anë të kësaj rregulloreje, janë të detyruar të pranojnë shërbimet e personave juridik që kanë kontratë me komunën, për grumbullimin, transportin deri tek depoja.
2. Mbledhja, grumbullimi dhe transport i mbeturinave kryhet nga ana e operatorit i cili është i autorizuar/kontratar nga komuna.
3. Operatori i autorizuar/kontratar nga komuna duhet të posedojë automjete me pajisje të avancuara dhe teknologjinë për mënjanimin e mbeturinave, si dhe licencën për administrim të mbeturinave.

Neni 15

Transporti i mbeturinave

1. Personi që ka licencën për grumbullimin dhe transportimin e mbeturinave, mbledh mbeturinat nga prodhuesit dhe/apo pronarët dhe i transporton ato deri te objekti, përkatësisht vendi për asministrim të mbeturinave.
2. Mbeturinat e rrezikshme mblidhen dhe transportohen në mënyrë të veçantë.
3. Transporti i mbeturinave kryhet me anë të pajisjeve të përshtatshme dhe në mënyrë të përshtatshme, që të mos vijë deri tek shpërndarja e tyre, zgjerimi, në përputhje me rregullat dhe procedurat në fuqi.
4. Nëse vjen deri tek ndotja gjatë transportimit të mbeturinave, transportuesi është i detyruar ta kthejë vendin e ndotur në gjendjen e mëparshme.
5. Në qoftë se mbeturinat e transportuara nuk pranohen në vendin e synuar, transportuesi duhet t'i kthejë në vendin e mëparshëm.

Neni 16

Rastet e jashtëzakonshme

Me rastin e rasteve të jashtëzakonshme, fatkeqësive natyrore, ndodhive shoqërore (termetet, ciklonet, rrufetë, eksplozimet, vulkanet, luftërat, lëvizjet, aktet terroriste apo ushtarake) që i pengojnë operatorit të kryejë obligimet e tij sipas licencës dhe marrëveshjes për largimin e mbeturinave, organet përgjegjës i komunës, në bashkëpunim me MMPH dhe Ministrinë e

Shëndetësisë dhe institucioneve të tjera relevante, nxjerrin urdhër për masa të posaqme të cilat duhet të zbatohen me rastin e rasteve të jashtëzakonshme.

Neni 17 Ndalimet dhe kufizimet

1. Në bazë të dispozitave të kësaj Rregulloreje ndalohet:

- 1.1 Hedhja e mbeturinave ndërtimore në rrugë, trotoare, qendra të banuara apo mjedise publike;
- 1.2 Hedhja e mbeturinave dhe llojeve të tjera në kontejner apo pika për grumbullimin e mbeturinave komunale që nuk klasifikohen si mbeturina komunale;
- 1.3 Hedhja e mbeturinave në mjedisin e përbashkët brenda dhe jashtë objekteve për banim (ballkoneve, korridoreve, terrasave, banesave etj);
- 1.4 Hedhja e mbeturinave komunale në rrugë, trotoare, qendra të banuara apo sipërfaqe të tjera publike;
- 1.5 Përzierja dhe hedhja e mbeturinave jashtë kontejnerëve të cilët janë të destinuar për lloje të caktuara të mbeturinave (metal, xham, letra);
- 1.6 Hedhja e mbeturinave prej automjeteve gjatë lëvizjes;
- 1.7 Ndalohet hedhja dhe deponimi i mbeturinave në sipërfaqe publike (në rrugë, parqe dhe vende të tjera publike);
- 1.8 Ndërrimi i vendeve të kontejnerëve, pikave apo vendeve të betonuara për hedhjen e mbeturinave pa autorizim nga ana e autoriteteve të komunës;
- 1.9. Djegia e mbeturinave në vende publike, kontejner apo në pika për grumbullimin e mbeturinave;
- 1.10. Përdorimi i mbeturinave si ushqim për kafshë apo ngjashëm prej kontejnerëve apo pikave të grumbullimit;
- 1.11. Përdorimi i kontejnerëve publik për biznese ekonomike për llojet e mbeturinave që nuk përfshihen në përkufizimin "mbeturina komunale dhe komerciale";
- 1.12. Gërmimi, përzierja, derdhja dhe shpërndarja e mbeturinave të hedhura në kontejner apo në pika për grumbullimin e tyre nga persona jo të autorizuar;
- 1.13. Hedhja e mbeturinave jashtë kontejnerit për mbeturina;
- 1.14. Derdhja e mbeturinave apo rrjedhja prej automjeteve gjatë kohës së udhëtimit deri tek impianti për trajtimin apo deponimin për mbeturina;
- 1.15. Njerëzit duhet të ndërmarrin masa, që gjatë kohës së transportit të mbeturinave, automjetet e tyre të kenë mbulesë të përshtatshme me qëllim të parandalimit të derdhjes, shpërndarjes apo rrjedhjes së mbeturinave gjatë kohës së transportit të bimëve apo trajtimit apo në deponitë për mbeturina;
- 1.16. Ndërrimi i mënyrës, metodës, teknikës dhe teknologjisë së mënjanimin të mbeturinave në kundërshtim me kushtet e përcaktuara me kontratë apo në formë tjetër.

2. Secili ndryshim i kushteve nga neni 1 nënparagrafi 1.8 i këtij Neni duhet të miratohet me shkrim nga organet përgjegjëse të komunës, duke pasur parasysh kushtet tekniko-higjienike të mjedisit jetësor.

KREU IV INSPEKZIONI

Neni 18 Mbikqyrja inspektive

